



Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

## **Naalakkersuisunut apeqquteqaatit:**

- 1. Nuummi, Ilulissani aamma Qaqortumi mittarfittaarsuit eqqaanni biilit unittarfiini akiliuteqartalernissamik Naalakkersuisut pilersaaruteqarnerlutik?**
  - a. Biilit unittarfiini akitsuutunik eqqussisoqassappat, biilit unittarfiini ingerlatsineq nakkutilliinerlu Naalakkersuisunit sunik eqqarsaatersuuteqarfiuppat, tassani pineqarlutik suliaasat tamanut sulisussarsiunneqarnissaat?**
  - b. Periarfissat suut Naalakkersuisunit nalilersorneqarpat, nunaqavissut aallartisaasut mittarfiit nutaat eqqaanni biilinet unittarfinnik pilersitsinermut, aserfallatsaaliinermut imaluunniit ingerlanneqarneranut neqeroorsinnaanerannut?**
- 2. Akisussaaffik qanoq agguataaarneqarpa ullumikkut Nuuk Center-ip biilinet naqqup iluani unittarfiani uninnganissamut nakkutilliinermut malittarisassallu malinneqarnerisut nakkutiginerinut, tassani 30 minutsini uninngasinnaatitaanerup malinneqarneranut tunngatillugu?**
- 3. Naalakkersuisut sunik eqqarsaatersuuteqarpa allani angallassinermut- aamma attaveqaasersuutinut aqqissuussani atuinermut akiliisitsisarnissamik eqqussisinnaanissamut?**
- 4. Naalakkersuisut oqaluuserisamut soqutiginaatilinnik allanik paasisutissiisinnaanerlutik?**

(Inatsisartunut ilaasortaq Napaartoq Isak Petrussen, Demokraatit)

## **Tunngavilersuut**

Mittarfiit nutaat Nuummi, Ilulissani aamma Qaqortumi nunatta attaveqaasersuuteqarnerata ineriartortinneqarneranut pingaaruteqarluinnartuupput naatsorsuutaallunilu nuttarnermut, inuussutissarsiornermut aammalu inuiaqatigiit ineriartornerannut pingaaruteqartussaasut. Tassunga atatillugu pissusissamisoorpoq paasilluassallugu, atortorissaarutit attuumassuteqartut soorlu biilit unittarfii qanoq aqqissuunneqarniarnersut aningaasalersorniarnersullu.

Allannguisoqassappat biilit uninnganerini akitsuusiilluni imaluunniit atuinermut allamik akiliisitsilluni innuttaasunut, angalasunut, inuussutissarsiorturnullu pingaaruteqarsinnaavoq. Tassungalu ilutigalugu biilit unittarfiisa ingerlanneqarnerat aserfallatsaaliineqarneratalu aqqissuunneqarnerat suliffeqarfinnut aallarnisaasunullu nunaqavissunut periarfissanik ammaassisinnaallutik.



Taamaattumik pingaaruteqarpoq aningaasalersorneqarnerannut, aaqqissuunneqarnerannut aamalu inuussutissarsiornikkut periarfissanut unittarfinnut attuumassuteqartunut Naalakkersuisut eqqarsaatersuutaat paasissallugu aammalu atuisut allatigut akiliisinneqartarnissaannik pilersaaruteqartoqarnersoq.

Apeqquateqaatima ullut suliffiusut qulit iluanni akineqarnissaat qilanaaraara.